

幻迹自警

明鈔本


曹棟亭藏書



知迹

自警言

謙益堂本







幻跡自

金

時人

邁字時訓金時人以號哥西號秋溪子久之亦號

白野居士於正德壬申年八月初十日生父諱其

德郎南京吏部驗封司主事前母馬氏生教諭兄邁

錢氏贈安人生散官兄邁及邁二人邁生育於外祖母

翁氏時翁孀居就養於母故邁在襁褓翁撫愛幼勞恩

同罔極

七歲而母氏見背事繼母張安人備嘗辛楚翁益憐之

常對之涕泣後雖去殷氏獨戀念弱孫衣服飲食時時

問遺有相依為命之情焉





辛巳十歲從學於程定甫先生

癸未年十二 父命從教諭凡學館於馬氏數月即前  
母舅氏家也

乙酉年十四復依兄讀書馬宅 聞講大學格致自求

下手功夫依文公或問天河如而高地何如而深等語  
探索反覆無益於得意疲而罷自傷生不逢聖人之時  
使不得樞衣及門無從質難追思宮墻悲慟終日

丙戌丁亥俱從學梧亭兄三年館穀於馬氏與平泉鷺  
汀同筆硯云

戊子六月始移寓長干報恩僧舍時年十七督學劉範

東公取應鄉試充府庠諸生 重九日冠

己丑庚寅俱寓報恩時年十九始多病矣 十二月娶

婦朱氏前永州推官野亭朱公珥之女

辛卯二十歲京兆江瑞石公試第六 學院丘集齋公

試一等第九補廩 鄉試中式第三十八名主考毅齋

孫公虛山席公房考練塘陳公也又教諭張君鸞南安  
人 感冒未痊強起應酬遂致勞復弱疾從此始矣

壬辰二十一隨父如京師會試下第肄業南雍會江西

善山何君廷仁閩陽明先生良知之學既而少司成南  
野歐陽公至開講鷄籠山太學諸友漸興起彬彬然矣



予自惟非靜無以成學遂稱病出寓居城南華嚴寺古  
心山房

癸巳二十二山居幽寂靜中恍然見吾真良赤子之心  
始信聖域可學而入雖非究竟蓋亦悟也而非解也

甲午二十三十月生子序

乙未二十四會試下第復入太學尋復告出

丙申二十五始撥歷出國學

丁酉二十六九月北上

戊戌二十七會試又下第歷事秋官六月附選

己亥二十八讀書報恩無為舍

庚子二十九八月北上

辛丑三十會試中式第十八名主考溫託齋公張水南

公房考駱西溪公也廷試二甲六十四名觀大理寺

政寓靈濟宮崔羽士房十二月歸省

癸卯三十二二月赴部八月除戶部山東司主事

甲辰三十三五月乞恩改南京吏部驗封司主事

七月携家累還自京師而鞍轡巷居已售矣蓋人有收  
者謀去之暫寓鷺峰寺部堂南塘宋公本司郎中李羅

村也

乙巳三十四買王鍊房居之八月以



廟恩詔至得封父如其官母贈安人繼母封安人

丙午三十五十月三年滿考績尚書西啓張公考云踐履端雅檢束克厲其清操經畫精詳負荷卓昭其遠致

丁未三十六三月還自京聞報陞本部文選司郎中六月十一日到任十八日丁父憂數月頻病

戊申三十七二月十一日壬子申時乃畢葬事己酉三十八十月一日禫服除十一月二十七日外

祖母翁壽終時年八十五庚戌三十九起復赴部復除南京吏部文選司郎中

辛亥年四十正月患瘡毒八月生子慶

壬子四十一二月嫁女娶序婦四月誤用丘隆藥

治疾元氣峻傷八月序入學九月病痢數日

癸丑四十二二月二十一日自汗危甚三月考六年滿是日感冒不能出聞報陞江西布政司左叅議

弱病危劇八月力疾到任

甲寅四十三八月總部來南京十一月咨司乞休轉詳未允

乙卯四十四四月復任八月鄉試入簾同左轄馬鍾

陽公充提調官撫院陳五山公按院吳初泉交薦初

泉公疏云儀觀雅秩德器靜深定格眼以覈常徵風清



身猶山房  
癸絕順民情而持大體。訟簡刑平。雖恬澹踈於應時。而孤貞可以勵俗。

丙辰四十五三月陞貴州按察司提學副使。將詣廣信。至貴溪道中感冒不及辭。按院而回。四月離任。至九江。醫官萬宗孔執用攻痰之劑。病日進。至二十九夜。沉重擬治後事。仍服補藥稍瘥。調理至中元日抵家。八月移文貴州臬司轉詳。作缺撫院玉華高公批本官年力方強。學行優邃。方切倚賴。以訓迪多士。豈可緣疾求休。殊非朝廷簡賢至意也。仰按察司馬上差人催促赴任。沿途

不妨調理。繳初五日生孫士龍。

丁巳四十六五臺陸儀制以考績赴京。草疏屬之陸君。為予周旋。二月得報。該吏部題覆。看得本官學足潤身。才堪任事。遽准休致。委有可惜。但據奏情詞懇切。相應准理。行令本官原職致仕。病痊之日。許令有司具奏起用。

戊午四十七抱病杜門。靜心閑居。冬夜題於齋壁云。浮生歲晏。是元城斷壑之年。虛館雲閑。正叔寶閉關之地。自壬子誤用丘隆藥。峻傷元氣。癸丑一劇之後。中氣虛羸。不絕如綫。病中忽自驗知邪火與元真勢不兩立。意



動則真亡何待氣動也由是不惟不敢施於身而亦不敢萌於心因纂經傳微言及名流雅尚集為一書置諸几案為觀省之助云

嗚呼吾自少讀書學為文辭二十而舉於鄉三十而舉進士第歷官中外十有五年四十六而乞休歸田人間事已苟完矣况敬通之障業漸銷子平之婚嫁粗畢衰病餘生惟歸巾待期而已雖倖苟存與世違隔因以生平幻跡次第直書昭示孫子使一旦蓋棺即此可以誌諸幽壙更毋煩名筆也文藝雖嘗誦習而所好不存故製作無可傳者獨愧予二十知學五十未聞道雖其家

緣坎軻亦自塵勞世歎中荏苒幾三十年回思三十年中不及一瞬外緣內擾徒自罷勞令人悚惕南華云終身役役而不見其成功可不哀耶今幸世事已畢天與休息之緣疾苦浸尋身趨空寂之境安得不惜此未亡之年視一刻為千金哉

嘉靖庚申孟冬一日識



續識

辛酉五十子序鄉試中式第一百十四名 姪康同科  
癸亥五十二冬病危篤幾死而生

甲子五十三仲夏兀坐中悟天命之性著道遙訣測言  
至冬有述名閑雲館野語

乙丑五十四九月被盜事後推其因似是生布說致  
此橫禍與賊者有私交故也賴同年操江洪芳洲公  
憫其非望之災極力匡救懸重賞捕之又會議題請  
增巡兵置杉欄城中稍寧十月賃斗門橋武氏房移  
寓焉

丙寅五十五代巡王吉菴公為薦舉地方人才事疏云  
詢其德望出衆輿論推服者得二人焉如原任南京右  
都御史倪某云云原任貴州提學副使殷某持已端嚴  
才猷卓越筮仕部曹屢著清修之譽繼司藩臬懋昭幹  
濟之能此二臣者雖因疾乞歸久居田里而才堪大用  
俱難終棄所當及時起用者也

隆慶改元丁卯五十六正月吏部為開讀事題准起  
用五月代巡宋栗菴公薦疏云訪得原任貴州副使  
殷某不後志於功名惟潛心於道義歷官中外素著冰  
蘗之操去任十年能脫紛華之態雖經起用未蒙銓補



尚當特薦以需重用者也。六月復除浙江按察司提學副使。八月自斗門橋遷還舊居。以武生易不相容也。節次與過賃金四十餘兩。十月一日至浙省。次早疾作。閩司轉詳乞休。撫院趙玉泉公批殷副使久甘恬退。公論共推簡用。方殷屢稱嬰疾。該司既查尚堪調理。難以輕議致仕。仰司行本官靜養數日。暫屈供職。矧浙省貢生雲集。尤宜作速遴選。庶不孤士林之望。此繳按院王仁菴公批。依擬勉留在任調治。痊日即出供職。以副時望。此繳。初七日到任。時選貢事例頗嚴。按院王仁菴亦新有條奏。予款調停。乃議學校禮義所自出。

今貢士於朝行有作人之責。苟不先德行無以作型範而示之趨。即今遴選宜首德行。王公報曰。校士而先德行。誠探本之論也。即如議乃二次考選過歲貢生員陳道等八十有四人。簡其不如制者十有六人。生員沈廷詔被周禎刁訟數年不結。至是杭州府陸推官問招呈詳。予批駁云。看得周氏悍妬之性不敬其夫。至凌妾自經。離異何疑。彼蒸梨可出。况傲慢公姑者乎。周禎教勅無素。自當反已。諭令歸寧。省改却乃逞刁用強。誣捏終訟。玷辱冠裳。所謂有其父必有其女也。卒致沈廷詔無聊失所。則禎之不仁已甚。似不當寬其誣告之罪。



身在山房  
矣沈廷詔既無下落則沈僑紙牘之情含痛可知寧復  
有未盡粧奩可以斷還者乎廷詔遭人倫之不幸離家  
遠適事雖未善而情殊可矜令僑招還復學收廩肄業  
觀周氏附信回家搬運粧奩之情於義已絕及歸七年  
而未嫁人畏其悍耳非真能為夫守節者也其贍活銀  
六十兩免追另招詳奪繳批出一時人心頗稱快云  
舉人林萬春病故妻陳氏死之有司申詳按院請轉  
奏旌表批行提學道查報該本道議所貴乎節婦者謂  
其青年矢志白首孀居或竭力以事舅姑或辛勤以撫  
其襁褓終始靡他燭然冰蘖之操故當表厥宅里樹之

風聲非謂夫亡而即死之者也夫以父母之喪無所容  
於天地人子之情豈不欲一哭踊即自殞滅也而禮為  
可繼猶曰毀不滅性况傷生乎况執夫之喪者乎大道  
不明於天下而過中之行滅性之情徃徃有述於當世  
此未可以風也夫可以死可以無死可以無死而死其  
得謂之從容就義乎今陳氏上有舅姑當事下有遺孤  
可撫此何以死哉據陳氏之節或當與陳仲子之廉尾  
生白公之信同科恐未足為訓似難遽擬奏  
請但結稱氏因姑病籲天請代湯藥親嘗衣不解帶若  
果非虛似應表揚以為一方之勸令有司量加存卹



或書扁以旌其門仍備行三學具結諸生使咸知吾儒  
自有中節之情為天下共由之道察乎天地通於禮樂  
蕩蕩平平是曰中庸而過中不可為訓之行仲尼之門  
所不道也王公依擬行之 刊示教條前列教條錄具  
別幅 十一月報陞江西右叅政離任 陸五臺自家  
來會至平望別去 十二月返舍 以昔所買王銖住  
房一所讓兄文瀆居之

戊辰五十七 正月陞江西按察使 二月買牛市趙  
氏住房 三月從陸至池州病作復回 移閔本司轉  
詳乞休撫院劉應谷公批本官畜德含章聲實並茂林

居十載望重一時。召命甫臨再陟藩臬此正 清朝  
求舊以需大用。而臣子懷忠圖報所當自盡者也。中途  
偶爾嬰疾宜安意調攝。痊可即當赴任。遽欲乞歸非本  
院所敢聞也。仰司差人齎憑催請仍委曲勸駕。繳 五  
月上疏乞休 七月十七日移來新居自督修理 曉  
自京回齋至部劄內云看得江西按察司按察使殷某  
奏稱中途宿疾危劇不能赴任乞要容令休致一節為  
照本官行勵清修志甘恬退往者移病家居十有餘年  
積深養厚。正當及時效用。雖有微疾難以遽令休致。  
二十九日遷居 九月從浙河赴任 十月十一日到



江西按察司任 十五日報陞四川右布政 十二月三日還家

己巳五十八 正月二十四日生孫士麒 五月上乞

休疏 閏六月晚還奏復寢仍移照會內云看得四川布政使司右布政使殷某奏稱沉痾困篤不能赴任乞要休致一節為照本官文學器識允堪大用雖有微疾止宜隨便調理除將奏詞立案外合行照會本官赴任供職不得再奏 九月十二日又上疏乞休為當軸者所抑止投首相一書而還

庚午五十九 三月間報陞南京太僕寺卿 四月二

十一日到任 僕寺政寬人頗玩矣稍以嚴濟之 九月差農民敦炳齋疏乞休仍不得上

辛未年六十 減除徐滁全來等州縣願役五名醫獸六名共省去徭銀一百一十餘兩以寬民力禁止新街不時冗役以安民生革退無賴門醫周金邢住王科許大忠等七八人以肅清公庭 本寺嘗於周垣外挑為深溝以防不虞或謂鑿傷龍脉不利居者自是歷年以來凡任正鄉者果無善轉予雖乞身猶募工取土填之明年代者至不數月而轉官可以觀堪輿家言良有驗云



壬申六十一 元旦病未能出 訪拿偽票誑騙夫馬  
折乾醫獸趙拱問擬充軍 僕寺紙贖甚微每年終當  
具疏 奏報予謂瑣細徒煩  
聖聽宜遵

明旨類報於司農於是疏乞省繁文以免瀆 奏章下  
戶部議覆罷之如所請 自惟三十二年之科第六十  
一歲之衰翁四十餘年之弱疾此豈用世之身役神之  
時乎况孤蹤淺識冥行何之矣神大用則竭形大勞則  
敝柰之何其不勇退也 二月二十一日上疏乞休差  
農氏陳思濟 閏二月十一日疏上該吏部題覆為照

本官素行清修處心恬澹本宜留之以鎮雅俗但既稱  
衰病危劇詞情懇切似應議處等因奉

聖旨是殷邁准致仕乃閏二月十六日下也 三月十  
一日差人回 十八日離任 十九日抵家 八月二  
十一日接

兩宮徽號詔內一款文官五品以上以禮致仕者各進  
本品階一級

萬曆元年癸酉六十二 正月撫按交薦大巡向明臺  
公疏云于致仕者得一人焉原任太僕寺卿殷某學行  
尚友於古人恬澹足鎮夫雅俗 巡撫張崐崧公疏云



原任南京太僕寺卿致仕殷某意超物表望絕人群居  
官則潔已以愛民歸田惟讀書而談道有千仞獨翔之  
意具一塵無染之操。六月初八日邸報吏部一本開  
讀事內一款一先該撫按會薦今該科道官覆薦間有  
科道雖未薦及公論攸歸似應起用官二十七員殷邁  
周倣袁洪愈姜廷頤劉大寶陳鑿金立敬王時槐頤問  
等共二十七人。八月慶入學。十月初二日吏部一  
本缺官事南京太常寺缺卿推原任太僕寺卿殷邁南  
京太常寺少卿汪宗伊奉  
聖旨殷邁陞南京太常寺卿。十二月二十四日接憑

本月二十九日到任

萬曆二年甲戌六十三。○七月二十七日報陞南京禮

部右侍郎。○八月二十四日接咨。○九月十二日到禮

部任。○十三日丁繼母憂

萬曆四年丙子六十五。○十月初八日吏部會推奉

聖旨殷邁著以原官管南京國子監祭酒事。十二月

十三日服除

萬曆五年丁丑六十六。正月初六日吏部咨到。十

二日上疏辭官。○二月初八日吏部題覆奉

聖旨殷邁著遵前旨到任供職。三月初八日聞南京



禮科彭應時論衰病大臣不堪師範推其致憾之由以  
未答拜故也。二十九日再疏乞休。四月吏部覆應  
時本內稱本官素履清修。稟性恬雅。原無可訾。又稱數  
日歷詢南來士人。皆云本官精力未甚衰。且太學資其  
師模。非有煩劇政務。似應仍留供職奉。  
聖旨殷邁學行素著。既年力未衰。著即便到任供職。  
五月十一日見報再疏上奉。

聖旨殷邁著遵近旨到任供職。吏部知道。遂於本月十  
二日謁。

陵十四日移過東衙。十五日到任。七月二十一日

上乞休疏。閏八月初二日吏部覆題為照本官頃以  
清望起用。南雍因疾乞休。屢奉。

明旨留用。乃今彊出到任之後。復有此疏。必其疾勢委  
難服官。情非得已。相應俯從等因奉。

聖旨殷邁既有疾。准致仕。欽此。欽遵。本月二十日咨  
到。二十二日移回里巷。




黃裳跡歲  
帝書印記





此皮紙藍格鈔本幻迹自擊三冊記殷邁平生行迹猶  
 自定年譜之類寫手工雅不類通行之明人鈔本雖是  
 否出之于書不可必定非鈔尺骨所為則可斷于也余前  
 年歲暮得之市肆為嘉業堂叔係最精小品尚有嘉  
 降兩朝向見記一神亦出曹棟亭家閒居檢書及此  
 因記卷尾時當歲尾寒甚手指僵凍漫書

庚寅十二月十四日 吳炎









圖書